

四庫全書

集部

欽定四庫全書

文苑英華卷五百五十六 宋 李昉等 編

封禪

勸封禪表二首 爰相請封禪表二首

賀封禪表二首 代赤縣父老勸封禪表一首

請許王公百官封太山表一首

明堂

代宗奉御賀明堂成表一首

代百官賀明堂成上禮表一首

封禪

勸封禪表

許敬宗

臣某等言臣緬尋三古縱觀百王裁玉牒之靈文酌金
繩之雅誥稽諸列辟用考當今徵天意於禎機類表作
祥

昭昭乎溢目察人心於謠詠洋洋乎盈耳參三才之奧
曠驗百神之感通諒可出震登封申明聖政乘春告禪
仰答玄功而睿旨謙冲固違僉願徇茲小讓淹斯大典

臣等愚思竊所未喻臣某等誠惶誠恐頓首死罪
死罪臣聞崇高不極至哉乾象之尊博厚無涯大矣坤
靈之德若乃代兩儀以亭育體覆燾類表作載之無私法四

序以平分運陰陽而不測者非聖人孰能與於此乎是

以天道會昌靈命

類表作歷數

係於元后帝圖昭格禋禮歸

於昊一作穹鴻名列乎三大廣運由乎一體齊明合德

抑斯之謂歟粵自生民肇興司牧朱襄昊英之日黃軒

葛天之世莫不雷鼗振響節萬舞一作象字於雲門大路脂

輪籍千藁於羸里使夫空桑孤竹仰鈞天而合奏十碑
再累齊厚地以相終斯道既行遂一作常為稱首奉天之

務義極於茲伏惟皇帝陛下陶冶生靈雕鍛品彙立四

維於草昧再造寰區射九日之流金鬱興精曜德淪垓

表功凝帝先於是戶牖三光提封六合不言而化寥炎

燧之菁華無為可測類表作則軼堯舜之文軌故已道光紫

極慶溢玄類表作乾元豈與夫七十二君可齊年而語矣是

以圓精朗鑒瞻欽明之同德方祇効祉祚至仁之比義

馳薰風而驛膏露靈心急於置郵驟澤馬而驚山車神

物切於推轂上帝之性

類表作情

已見天人之際乃交推之

一作而不居疇克與

一作與為

讓臣等中謝臣又聞之太岳臨

雲登其峰而小天下岱宗零雨不崇朝而彌海內信天

地之關鍵為人祇之會同雖復稽社分區玄亭允峙陰

崖俯禪猶或多途陽嶠乾封必歸斯境自九皇而發迹

歷萬代而無差曩者帝道浸微淳風不競南茅北秬綿

百世而寂寥升中告成歷千祀而湮墜使太山靡紀梁

甫曠巡復盛

一作
庶復

禮於休明企來蘇於肆覲大夫之樹

傾柔荑以望塵仙人之間聳危峰而佇睨中外禔福幽

明會徵敬候翠華之旗紀號青

類表作
正非

陽之日實望夙

恭儲祉仰副元符召圓冠微博帶緝無懷之逸憲採夷

吾之舊文式道錫鑾錯事介丘之表飛英騰茂展采日

觀之前闡絕代之丕業盡天子之能事榮貺

類表作
鏡融乎

往初尊號

類表作名

洽乎區有則懷生之類冠帶之倫甘夕

死於朝聞傾朝野而相賀接萬齡於旦暮亦何樂以如

之臣等預在普天咸蒙大造叫帝闇而引領佞性儀之
改容昧死干陳期於獲命不任惶款之至謹詣闕奉表
以聞

同前

上官儀

臣某等言臣聞乾元惟大播四序而無言坤儀益厚寧
萬象而復一作得一至於號均三大體覆載以曲成聖表
千齡順剛柔以藏用是以可久可大永固皇王之緒貞
觀一作一貞明獨照陶鈞之上故可登封泰岱類帝以尊

天降禪肅然禋宗以厚地伏惟陛下膺圖紹受一作錄儀

天纂鏡受昭華而光寶位正璣衡而握金符銷伏鼈而

綴上玄剪應龍而清下瀆於是靈臺偃伯暢轂埋輪刑

政肅一作席清削秋荼之繁蕪一作舞雅頌一作光開先烈激圓

海之漪瀾就月幽覃則燭龍開景薰風遠暢則蟠木增

華沒羽浮金之章昭載筆於仙室韋韞卉袵一作服之首

襲長纓於蘭錡九疇式序七德攸宣發神化之一作於丹

青敷禮義之粉澤既而睿德潛通至誠冥召禎圖載啓

神物發揮雙船呈班馴擾於君圓九芝獻彩燭耀於帝
池太史標祥鏡流千里卿雲表覲凝華五色江茅鄗黍
歲時鱗萃東鰣西鯉日月波屬鴻符巨慶疇可詳言誠
迺岱郊佇遂云洞望蹕臣某等誠惶誠恐死罪死罪永
言遐載緬鏡前徽王迹一作籍之所歲蕤帝圖之所凝遠
龍宮結繩之后鳥紀垂衣之君治定功成俱備升中之
禮塵清海晏咸申謁欵之誠異世同符千載一揆諒以
增高益厚式酬靈瞻陛下德一作道光宇宙始文一作德煥震

初蓆蘿而因

一作固

萬物典衷而濟下元

一作天下

鎔範生靈

張四維於地絡締構函夏建八柱於玄樞宏規絕跡功

無與二駕三五而遙集超八九而騰驤加以璇厯啓微

一作微 跡南至於朔旦金鼓問罪削左衽於交河固可恭

柴燎之展采穆靈壇之禋敬焉得徇小節於冲挹忘至

公之鴻典絕三神之歡拒萬方之志雖復翹心天路未

留三舍之感延佇帝閣

一作闕

邈邈

一作邈若

九霄之望伏惟

願一作 陛下紆瑤池之渺轡屈姑射之凝神酌令典於中

樽遵時邁於羸里採公卿之嘉議覽搢紳之讌辭逸記

重甄頽章再紐詔雨師以先路命風伯以清塵六飛案

軌九旗齊列榮光承幟非煙翼衡輯瑞而嘉肆覲瘞玉

而恭儲社

一作禮非

方使日觀增華仙問改飾神光宵映若

流照於春陵雲色晝開似凝暉於豐谷表咸池於翠嵒

一作奏咸
韶於翠池

萬歲叶其殷薦席藁

一作祖非

桔於紫壇八神歆

其明祀龍千古之偉觀孕七百之丕業臣等命與時偕

濯景昌運優游渠閣之内怊悵南風之絃樓息蓬山之

阿弋釣先皇之道至於朝猷國紀頗踐奧隅陛下推而不居竊所未喻欝云梁之典缺懷庭之儀沮神主之欲漏貪天之議伏願果其日出照其一無傾陽之心一作正

油然作雲降其一無離畢之澤庶使飛英騰茂秘玉檢

而遐傳手舞足蹈扈翠華於喬嶽云云一作皆

唐類表

宰相請封禪表

蔣欽緒

侍中臣乾曜中書令臣說等言臣聞自古受天命居大寶者必登嵩高之嶽行封禪之事所以展誠敬報神祇

三五迄今未之闕也是以高宗因文武之業盛岱亭之

禮方冊所記虞夏同風聖移三朝年經五紀封崇之典

缺而未備

會要作脩

山川望幸屬在今日陛下靖多難遵

諸本

繼作先朝天所啓也承天統臨萬邦天所命也焉得

會要作可

不陟東嶽禪

會要作封

云亭報上玄之靈恩紹高宗之鴻烈

則天地之意宗廟之心將何以克厭哉且陛下即位以

來十有四載創九廟禮二郊大舜之孝敬也叙

會要作敘

九

族友兄弟文王之慈惠也卑宮室菲飲食夏禹之恭儉

也道稽古德日新帝堯之文思也憐黔首惠蒼生成湯

之深仁也化玄漠風大和軒皇之至理也至如日月星

辰

類表
作雲

山河草木羽毛鱗介窮

會要
作嘉

祥極瑞蓋以荐至

而為常衆

諸本
作繁

多而不錄正以天平地成人和歲稔可

以報於神明矣鴻生碩儒上章奏而請封禪者前後千

百

會要
作數

聖情撝挹天鑒未迴臣等仰考聖

會要
作神

心傍採

衆望封巒

一作
高

展禮時不可抑陞下縱不欲以成功告

天豈不以天休報德臣等昧死上請以聞

再請封禪表

臣乾曜說等言臣等考天人之際稽億兆之姓以為理定功成登封告禪鴻名盛則屬在聖明陛下讓德冲深未允羣請神祇觖望臣等懼焉且今四海和平百蠻率職莫不含道德之甘實喚仁義之馨香一作惟聲是以上帝

聿懷名山望幸珍符荐委一作委至年穀屢登開闢已來未

之有也臣聞自古受命而封禪者七十二君安有殊風絕業以方今一作相方也然猶躡梁甫登太山飛英聲騰茂

實而陛下功德之美符瑞之富固以孕虞夏含一作凌殷

一

殷

周有何退讓逡巡於大禮哉夫昭報天地至敬也嚴配

祖宗大孝也厚福蒼生博惠也發策紀號丕業也陛下

安可以闕哉天地之符彰矣祖宗之靈著矣蒼生之望

勤矣禮樂之文備矣陛下安可以辭哉故臣等願因神

祇之叶贊順華夏之懇誠早稽舊章特降明詔庶及仲

春農桑之隙以展巡狩肆觀之儀則天下幸甚

一作皆
唐類表

賀封禪表

蘇頤

臣頬等言伏以升中禮旋降禪云

一作於非

始五玉既輯萬

方胥賴臣等中賀臣聞封太山禪梁甫天下之壯觀王者之丕業伏惟開元神武皇帝陛下以天覆之大地容之厚車書不及而來王日月所臨而奉朔周年七百未可語於期運漢里三萬曆何校於提封大和浹區寓榮貺彌川陸將辭上帝之休靡抗鴻儒之議式考南至之度爰備東巡之禮列戎夷之君長聚華夏之玉帛惠化潛扇納人歡以錫符淳風外流奉天符以行事遂登日

觀拜雲封泥瑞芝檢珍玉導以六穗之禾犧以雙船之
獸茅黍畢陳鷗鰈咸在六宗起典則百神之禮具羣臣
一作后充庭則肆覲之儀洽乃藏秘冊昭尊名山稱歲以

效祥乘溫以儲祉而叶同之令再造於黔黎增廣之仁
更張於品物歸功當格於藝祖致美永延於岱宗斯所
謂皇哉唐哉唐哉皇哉者也臣等不勝大慶謹奉表稱
賀以聞臣頤等無任

同前

崔 融

臣某等言伏奉某日詔書有某年月日有事於中嶽恭
聞大禮不勝欣抃臣聞巡狩者何觀人風而協時月封
禪者何增天高而益地厚然則聖帝臨下必有玉帛萬
國之事焉明王在上必有柴望百神之禮焉伏惟天皇
御寶位膺璿厯宅顥氣以開元鼓淳風以成化宗文祖
武之業天祚彌光制禮作樂之功皇猷載遠四方無事
不聞犬吠於中國六合同歸唯睹鴈行於道路恩周勳
植德洞淪冥東魚西鳥不召而自至玄秬黃蕤應圖而

合牒嵩維中嶽洛陽下都三臺崛起五衢相映風雨交
會寶惟天地之中威靈肅然固是神明所伏可以光昭
累聖可以謁欵上玄展時邁於仙宮叶歲巡於福地象
天之道備法駕而非遙望君之來因名山而有日臣等
飲欵一作慶和昌運冒寵崇班用雖徵於犬馬情諒兼於鳥
獸三呼在聽欣承漢后之儀羣議不行竊鄙晉皇之德
限以官守不獲稱賀一作慶軒墀無任悚踴之至謹附某
奉表申賀以聞

代赤縣父老勸封禪表

陳子昂

臣某等聞帝功既大必昭告於上玄元首一作命

攸尊必

升封於厚載故七十二主能恢萬代之規三五六經以

為百王之典伏惟陛下膺集作應天受命握紀登樞包括

乾坤之靈亭毒神明之化故能開天寶闢地珍溫洛所

以升圖榮河由其薦籙羣神既贊衆瑞交馳謳歌於是

大歸禮樂以致咸備陛下仰順天意允答神休垂顯號

以居宸建明堂而理物百僚惟允萬國咸寧然則嵩嶽

神宗望玉鑾而來禪天中仙族佇金駕以崇封實大禮
德一作之昌期膺告成之茂典况神都為八方之極太室
居五嶽之尊陛下垂統紫微大昌皇運報功崇德允協
神心應天順人雅符靈望皇圖聖業實在於茲臣等叨
預堯封久忘帝力竊聞聖人封禪天下所以會昌山嶽
成功皇壽由其配永臣等既為陛下赤子又為萬姓慈
親實願上報天功下順人望勒成嵩嶽大顯尊名不勝
慶幸之至

請許王公百官封太山表

張說

臣說等言臣聞聖人者與天地合其德故珍符休命不可得而辭鴻名盛典不可得而讓陛下功格上玄後篇作天

澤流厚載三五之盛莫能比崇登封告成理叶幽贊故符瑞必臻天意也書軌大同人事也菽粟屢登和平也刑罰不用至理也今陛下稽天意以固辭違人事以久讓是和平而不崇昭報至理而闕薦祖宗億兆之姓集作宗顧諟後篇作托其可止

乎願納王公卿士列巔縉紳之衆望廻命有司速定大
典臣等不勝懇禱敢昧死再拜

集作陳

上言

此篇又載六百卷今已削去

明堂

代家

一作宗

奉御賀明堂成表

崔

融

臣某言臣聞昭昭

一作明明

上天五座列降神之府赫赫中

國几筵開布政之宮自軒皇肇制帝堯嗣作歷虞夏而
惟新在殷周而克壯斯在尊祖配帝從時統天節寒暑

而吹律順陰陽以班令降及有漢頗採前章雖年惟屢
豐而日不暇給過此以往寂寥無聲伏惟天冊金輪聖
神皇帝陛下興復舊邦光啓新邑萬物睹而聖人作百
寶用而神靈滋遠肅邇安功成道洽泥金刻玉紀脩中
嶽之儀乘鑾駕龍更葺正陽之禮乾策坤策具一作是
宸聰左个右个親承厥式朴畧淹中莫能言其制度崎
嶇汶上疇克一作以効其規模土事不文木事不鏤九柱
自立豈藉瑯琊之飛二石潛開寧煩穀城之採版築星

奔而化造斧斤風動而神助聖有通於上帝產無費於中人由是日抱紅輝雲叢紫靄霜毛下翥電翼羣飛夕見神光似對莊嚴之國畫聞仙響疑過數一作妓非樂之天

匪日而成衝霄特起仰浮圓笠俯鎮方輿金鸞旛而將飛玉驪龍而若動三辰引曜相望於複道之間六氣氤氳旁魄於重檐之半可以發大教陳盛容會百神朝萬國比二儀而永固齊四序而偕行允所謂穆穆皇皇巍巍蕩蕩者矣微臣攀光日月荷蔭天休接五尚之隆班

霑九清之下列方圓罕任叨重寄之一一作於程材輪桷無
施濫殊私一作恩於構廈仰之不逮雖謝於鵠翔成輒相

歡竊同於燕賀手舞足蹈倍百恒情無任悚躍之至謹

奉表稱賀以聞

代百官賀明堂成上禮表

臣某以下文武官若干人等上言臣等聞上帝居高懸
太微之府先王建國闢宗祀之堂不有聖人誰其經始
伏惟天冊金輪聖神皇帝陛下尊祖揚禡嚴禋之德再

光統天順時布政之道尤急親紓睿思躬運玄模故能
上合乾象下當坤策柱將扶而已立石未鑿而懸開丹
鷲蹕灋似鳴岐而遠至蒼蚪繞棟凝出河而欲飛神光

熠爚一作耀於向晚仙樂清冷而方晝月惟孟夏時屬正

陽張文物於闕庭震聲名於寓縣聖皇戾止諸侯在列

穆穆焉顥顥焉交喜氣於三靈動歡心於萬類者也臣

等進窺朝典既逢嘗麥之辰旋顧野誠輕襲獻芹之禮

謹上禮若干舉如別項滋疎鶴鼎一作灰味劣蘿庖何以

延蕙荀之涼契芝英之壽無任對懇之至謹奉表稱賀
隨進以聞



文苑英華卷五百五十六

欽定四庫全書

集部

文苑英華卷五百五十九至七百一

詳校官給事中臣李臺

助教臣常循覆勘

總校官進士臣朱鈴

校對官中書臣胡紹基

謄錄監生臣蔣錦城

欽定四庫全書

文苑英華卷五百五十七

宋 李昉等 編

后妃

賀冊皇太后表四首

百僚賀冊皇太后禮畢表二首

鄭尚書賀冊皇太后表一首

賀冊皇太后及德妃表一首

中書門下請冊貴妃表一首

太子

賀傳位於皇太子表一首

請冊皇太子表二首

代宗讓皇太子表一首

為楊州李長史立皇太子表一首

賀冊皇太子表四首

賀皇太子知軍國表牋二首

后妃

賀冊皇太后表

常袞

臣某言伏見八月二十六日制冊上皇太后尊號凡在
生靈不勝慶幸臣聞天地之因一作經所由一作因者本聖

人之德無加於孝故紹休以受命榮號以歸尊是用慶

善奉慈因親教愛也伏以皇太后法象太極是生兩儀
光昭上元以母萬物塗山降瑞華渚呈符照臨典禮示

天人之慶

一作訓

範裁成風化表威屬之宗師詩云思齊

太任文王以聖則知祚我仁慶誕與睿哲穆穆明明有

自來矣伏惟聖神文武皇帝陛下以皇道還淳以文明
致理行三代之典一作極教備兩漢之威一作盛儀逾年改

極

元謁告清廟永言配命殷薦圓丘大孝通於神明至化

被於寰宇瞻戀慈訓尚未遑安處奉徽章以崇位號嚴

恭前殿陳布外朝萬國在庭千官執禮冕旒端拱翼翼

烝烝一作侯

金冊以拜興承瑞寶而俯受聖理之至其

道大光朝野同歡臣妾有時言念舊黨遂及姻聯褒德

以殊榮推恩以序進華胄增貴外家益尊固可以感動

靈祇懷服戎狄豈止德教加於百姓仁厚及於九族而已宜其煥列青史昭播鴻猷億萬斯年以承多福臣所

守有限不獲稱慶闢庭無任抃躍忻悅之至謹遣某官

奉表陳賀以聞

一作皆
唐類表

同前

劉禹錫

臣某言伏見制書以二月二十五日冊立皇太后盛禮

畢陳德音遠被一人有慶萬國同歡中賀伏以

集作
惟

皇

太后稟靈作合

集作
配

誕聖表祥徵號極域中之尊至仁

為天下之母陛下君臨有國子道無違長樂宮中永獻
南山之壽濯龍門上再揚東漢之風率土臣子不勝歡

欣作抃

同前

楊於陵

臣某言伏奉月日制書奉太上皇后尊號曰皇太后坤
儀鎮定孝德昭升大義冠於人倫盛德類表光於史冊

凡在臣子不任抃躍中賀臣聞周室興王文母同其經
理漢皇嗣聖明德贊其徽猷伏惟陛下弘闡睿圖誕膺

昌歷皇太后宣明懿範超邁前脩家國慶靈慈孝交感
堯門薦祉延寶祚於無疆長信順神播歡心於率土由
我愛敬致茲雍熙何幸萬邦之人親逢千載之運臣叨
承獎任職守藩條阻拜彤庭雖違於常典載馳丹懇倍
過於恒情

同前

羊士諤

伏以某日誥命爰以今辰太上皇后光膺典冊盛化既
行中外同慶臣某中賀皇太后陰靈類表作母德降祥坤儀

垂訓堯門誤聖時逢寶歷之典彤管紀言道光內輔之

業九族承序萬國乂安伏惟皇帝展禮南宮奉觴北極
榮超簡冊慶浹寰區凡在生靈孰不傾戴臣以遠守藩

鎮不獲稱賀

二字類表作
抃舞闕庭

百寮賀冊太上皇后禮畢表 柳宗元

臣某等言今月日太上皇后冊禮云畢率土臣妾慶抃

無窮臣某等誠慶誠賀頓首頓首伏以太上皇后著嬪

虞

集作
虞嬪

之至德嗣母周

集作
周母

之徽音表率六宮明彰萬

國陛下克脩理本以暢化源神道知事地之方人倫識
尊親之大豈為婦道集作順斯備陰理集作禮用脩足以播
正始於王集作國風致時雍於帝典臣等謬叨集作塵榮位
獲覩盛儀踴躍之誠倍萬恒品

鄭尚書賀冊皇太后表

令狐楚

臣某言伏聞制冊皇太后七字一作臣伏奉五月二天中十八日初旨尊太上皇后恩
覃日下歡動中天一作天中臣伏以皇太后坤德合符陰靈
表慶化光宮職道贊國風伏惟皇帝仁聖宅心文明恭

已遵承孝理嚴奉慈顏獻寶綬於內朝宣玉冊於中禁
彰明順德知陛下就養之勤表正母儀見陛下歸安之
盛萬國所繫四方是刑人一作召臣之懇願既申品物之

歡心斯洽臣叨承寄任限守藩一作方隅不及一作獲陪位

闕庭抃舞稱賀無任聳慶踴悅之至

一作皆
唐類表

賀冊太上皇后及德妃表

柳宗元

臣某等言伏奉今月日誥良姊王氏冊太上皇后良媛
董氏冊太上皇德妃宜令所司備禮冊命者母儀有光

坤道克

成集作

順陰教方行於萬國內理克和於六宮臣

某等誠慶誠賀頓首頓首伏惟皇帝陛下對若天休奉

揚睿旨長秋既登其品

正集作

位踰狄亦洽

集作被

於恩光

奉養見三朝之安周旋有四星之輔豈徒配乾稱大事
集作助

日為明所以表王化之源知孝理之本冠映千古

儀刑四方臣等捧戴施行踴躍無地無任蹈舞忻喜之

至

中書門下請冊貴妃表

常 窦

臣等言臣聞天文次星配以妃位帝宮內職守在

一作於

王化視公卿而命秩思賢才以審官蓋五禮之宗

一作定非

六義之本也伏惟寶應元聖文武皇帝陛下紹興下

一作

典文武屬當多難一日萬務親紓聖心初定羣克尚多闕

典紫庭分理頃刻未遑形管記言因茲而缺然則

一作以

奉若天道以陰而助陽御于家邦由中而及外今既三

靈叶泰四海永清宜舉舊章以行盛禮竊承一作壺制

未正等威常熊之德或聞於蘭殿貫魚之序無列

一作別

於椒房固以一作叶周南之風參虞汭之化豈使坤儀曠
其取法陰教闕而不修雖則簡在宸衷安敢默於誠
請伏冀大明禮秩俾率宮庭以厚人倫以風天下庶
得外朝均政羣望獲從無任懇款屏營之至臣某誠
惶誠恐頓首頓首謹言

一作皆唐類表

太子

賀傳位於皇太子表

庾信

臣某言伏見二月十九日詔傳位於皇太子昔者降居
弱水登庸有優劣之殊來朝櫟陽繼體有君臣之異不
得與夫天之兩日日之再中並曜聯輝重明雙照同年
而語矣伏惟天元皇帝惟聖作聖惟親尊親降意於與
能嗚謙於神器欲令百二相和先聞揖讓之風天下無
為早識吾君之子是以運獨見之明行非常之事先天
不違後天而奉皇太子身貞萬國道照四門夙膺再命
之符實允基天之命非闕復子明辟異於遷虞事夏既

損既益尚或二天為離為火何妨兩日且平陽蒲坂賢
臣則二十五人顙頷高辛才子則一十六族與此計事
何遽無成饗

丑艮切
鼓聲

乎鼓之軒乎舞之自當八風通慶

雲聚五老同遊三星運曜豈直雙龍再賜九雉重飛而
已哉皇帝藐然姑射正當乘雲馭龍問道崆峒豈復先
秋木落臣生預堯年時逢舜日覩惟新之慶實倍萬恒

情

請冊皇太子表二首

于邵

臣聞立天下之本故受之以震明兩承統慶元有光期
一作斯萬國以貞而一人有慶也伏惟皇帝陛下受天明

命尊祖嚴配聖謨廣運禮秩咸若六親承式而理六合
不論而定伏以儲宮未立人望猶勤奉天順人事不可
曠夙聞宣王天資孝敬訓稟詩禮可以奉宗祧之重可
以當七鬯之主朝三命宰則以安親前師後傳則以齒
胄伏乞以時冊命報慶天人然後啓承華以論道起博
望而養德天下幸甚天下幸甚臣等叅跡樞宥一作密倍

萬恒情謹奉表陳請以聞

二

臣炎等言今月十六日敢以古儀請建皇儲伏奉恩命
未垂允答受命競悚悅然失圖臣炎等惶恐頓首臣聞
帝王之理必先體統而後正百度以臨四方修人紀以
符天道則居震守器重離繼明是先代行於天下也况
尊宗廟而奉君親乎此而不先孰可先者陛下尚執謙
德方勤庶政畧至公之務慎翼子之私是何小嫌而廢

前訓今臣等不敢以歷代為據且以國朝以來言之有

若高祖義寧二年五月即位六月立建成為皇太子太

宗武德九年八月即位十月立中山王為皇太子高宗

貞觀二十三年六月即位七月立陳王為皇太子

按新舊唐

書升會要高宗永徽三年七月立陳王忠為皇太子則祖宗垂範如示諸掌今抑

而不立豈塞天下之望

十
一字一作今抑而不奉而當何奉之伏乞考百代不刊之典

遂萬國元良之望天下幸甚伏聞宣王以子則嫡以家則孝天姿玉

裕雅性冲深足以奉粢盛之重視朝夕之膳然則行一

物而三善皆得者建儲之謂也臣等不勝大願懇請之至

代宗讓皇太子表

常袞

臣某言臣聞君父之命誠不合辭臣子之心固無所隱
隱之則有累天鑒辭之則有負國貞在無隱而不言雖
稟命而非孝臣所以省躬審分讓德推賢瀝懇上聞冒
嚴亟請丹誠罔惑皇聽來未疑作昭戰兢失圖精爽飛越
臣某誠惶誠恐頓首頓首伏以國之上嗣古曰元良觀

象于天應前星之環極取法于地視少海之朝宗必訪
蓍龜以承主鬯臣幼非樂善長未好儒慈獎特深愚蒙
不易教之羽籥有昧樂章訓以詩書終迷義府遊虧四
老才乏五官人莫係心德非守器頃者外統羣帥內錄
尚書竊懼任榮以憂官謗令謬塵博望猥辱壽春位登
青宮禮絕朱邸且乘人望載蹟朝經循名責實未足承
天之序捨長立賢亦猶行古之道伏惟陛下博求公議
允納微誠更擇溫文俾膺繼紹遠想伯夷之讓用升季

歷之材至公大行天下幸甚無任懇迫屏營之至謹奉
表陳讓以聞臣誠惶誠恐頓首頓首

為揚州李長史賀立皇太子表

蕭穎士

臣某言伏奉制書皇太子以今月嘉辰肅膺典冊少陽
輔德前星耿耀凡在生靈預增慶幸臣聞立嗣必子爰
徵古訓惟賢乃建式固宗祧周漢以還憲章未改伏惟
開元神武皇帝陛下嚴祗寶祚光啓睿圖則哲其難至

公有在惟天為大萬邦所以作貞如日之昇重離所以
增煥况瓊枝挺秀玉葉資神允釐監撫儀形雅頌春華
秋實嘗俯俟於嘉言一物三善諒行稱於至德固以靈
祇叶贊景命昭宣馳道之前猶應著令寢門之外方候
問安臣忝貳藩條局守官次不獲預陪大禮稱慶闕庭
延首承華以欣以抃

賀冊皇太子表

張九齡

臣言伏奉今月二十日制冊立皇太子者伏以皇太子

天寶生德睿哲夙備爰以吉辰光膺盛典伏惟開元神
武皇帝陛下建儲因本體天合聖萬方之心永貞是屬
一人有慶大賚斯在臣某待罪南郡不獲稱慶闕庭欣
躍之誠實百恒品無任悚躍慶抃躍一作之至謹遣所部

官宣義郎行枝江縣尉楊崇先奉表陳賀以聞臣誠喜
誠抃類表作誠
歡誠喜頓首頓首死罪死罪謹言

同前

呂溫

臣某言伏見十月十二日勅伏承皇太子以四月二十

一日冊命禮畢光紹前典惟懷永圖神人允諧動植咸
賴臣某誠歡誠抃頓首頓首臣聞燕翼貽謀帝王之大
孝立嫡主器禮易之明訓伏惟皇帝陛下克明駿一作俊

德恢慕鴻休武功有成文理既定然後弘三王之教諭
建萬國之元良凡在生靈孰不慶幸臣守官荒服稱賀
無階竊抃嶺隅倍萬恒品無任感悅屏營之至謹奉表
陳賀以聞

同前

劉禹錫

臣某言伏見冊皇太子盛禮斯畢德音遐宣萬國以貞
庶類咸悅中賀伏惟文武孝德皇帝陛下體元立極垂
訓御時既闢王猷思安國本前星位定拱宸極以昭彰

蒼震氣宣與天地而長久禮光七鬯澤被華夷宗社有
無疆之休生靈懷莫大之慶臣恪居官次遐守巴南不
獲稱慶

二字稱賀
集作闢庭

臣無任踴躍之至

百寮賀冊皇太子表

柳宗元

臣某等言伏奉今月二十四日制廣陵郡王宜冊為皇

太子改名某仍令所司擇日備禮冊命者天序有奉皇
心載寧臣某等誠慶誠賀頓首頓首臣聞商書載以貞
之文漢史傳早建之義不惟立愛其在繼明陛下奉率
前規敷揚盛典顧茲守器之重爰正承華之位尊義方
之教載錫嘉名崇建樹之禮式光典命以長而立自符
於慎擇必子而選遂合于至公邦本不搖王業彌因此
皆宗社垂祉啓佑皇心乾坤叶集作合謀保安聖運足以
播休氣於四海洽太和於萬靈食毛含齒所同歡慶臣

等奉承制命蹈舞周行不任歡抃之至

六字集作踊躍之誠倍百恒品

無任慶抃感悅之至謹奉表陳賀以聞

此篇元誤編在六百三十五卷狀門今移入于此

賀皇太子知軍國表

令狐楚

臣得上都進奉官狀報伏承七月二十八日詔旨軍國政事權令皇太子勾當者中賀伏惟皇帝陛下大明御
窩至孝自天霜露既濡想園陵之漸近雲霞是仰悲弓
劍之方遙內感深闕外勉類表作煩庶政由是推赤心於俊

又委寶歷於元良宣明兩曜之光崇重萬國一作邦之本

與夫遊神姑射義豈同風養道大庭禮誠異日天下臣

子不勝慶幸臣限以所守不獲拜候闕庭無任屏營之

至

賀皇太子知軍國牋

臣某牋伏見七月二十八日皇帝宣詔

後篇作詔旨

軍國政

事並權委皇太子殿下勾當者

後篇有

伏以皇帝陛下

躬勤黼扆志奉山陵

後篇作園字

恭

後篇類表作思

慕積中殷憂發

外瞻九廟之重湏有纘承以萬機

後篇
作方

為煩期在宴息

伏惟皇太子殿下日躋睿哲天縱欽明繼丕業而堯歷

重昌嗣鴻名而文功累盛事有光於往古慶

類表
作思

實被

於殊方率土臣心

後篇
作子

不任欣戴臣限以

後篇
作於

鎮

守遠在方隅不

後篇
作未

獲陪慶

後篇
作位

宮庭抃舞稱賀瞻戀

踴躍之至謹奉牋以聞

此篇六百二十七卷重出今已削去

文苑英華卷五百五十七

欽定四庫全書

文苑英華卷五百五十八 宋 李昉等 編

賀赦一

為崔冀公賀赦表一首

禮部賀改永貞元年表一首

為宰相賀赦表一首

賀上尊號後大赦表一首 賀赦表十二首

為崔冀公賀赦表

楊於陵

臣某言送赦書使某人至伏奉月日恩制大赦天下臣聞獻歲之初也惟天所以布和將以發生萬類故降之春雨俾澤及群品也明后始立也惟君所以使令將以昭蘇萬國故降之以大赦蓋與人更始也伏惟陛下道叶千齡克膺聖嗣光乘八葉式纂鴻休則高天以布和法文明以施令故大赦天下殊澤霈然德及羣生宥加殊死薄賦棄債恤孤養老不頒瑞物所以戒驕也節省其用所以防侈也卑宮菲食所以昭儉也黜邪去佞所

以懲惡也任才用能所以勸善也賞勞錄効所以報功
也睦親敦族所以明孝也招諫納言所以聞過也尊賢
容衆所以興化也三事用殷六府孔修九功既備無得
而稱四海乂安斯為盛矣矧夫省不急之務損太官之
膳外廢五坊內減六宮釋鶡鳥於長林縱猛獸於深谷
俾鳥獸咸若黔黎用康舉五帝之闕遺行三皇之聖化
自三皇兩漢以來無可比也臣權叨連帥職守藩隅備
位明朝幸逢昌運不獲與千官接武稱慶闕庭無任

禮部賀改永貞元年表

柳宗元

臣某等言伏奉今日詔集作誥命今月九日冊皇帝改貞元

二十一年為永貞元年自貞元二十一年八月五日昧

爽以前應犯死罪特降從流流以下遞降一等者寶命
方始聖歷用彰載宣照臨之明遂施渙汗之澤臣某等

誠慶誠賀頓首頓首臣伏以

類表作惟

重光下濟積慶旁流

類表作流行
集作旁流

漢祖推奉教之尊文王遂無憂之志正名

紀歷表運行於萬方宥過輕刑流汪濊於四海歡呼抃

蹈遐邇攸同臣某等親奉聖謩仰承大化踴躍之至倍
萬恒情無任蹈舞欣慶之至

為宰相賀赦表

就南郊撰進

臣某等言伏奉今日制書大赦天下者臣與百執事奉
揚宣布與億兆衆舞抃一作蹈舞歡呼自天降和率土同慶
臣某誠歡誠抃頓首頓首伏惟皇帝陛下出震御極建
元發號大明升而六合曉一氣薰而萬物春肆眚措刑
滌瑕蕩穢凡在回首納於歡心矧又祇祀天地孝享宗

廟蠲減租債策徵賢良褒德及先賞功延嗣敬賓養老
念舊睦親生人之積弊盡除有國之頽綱必振况陛下
承二百祀鴻業之重纂十二聖耿光之初始奉嚴禋新
開寶厯天下之目專然觀陛下之動天下之耳顚然聽
陛下之言斯則陛下出一言不終日必達於朝野舉一
事不浹辰必聞於華夷當疲人求安思理之秋是陛下
敬始慎微之日苟行一善則可以動人聽而歌舞况其
衆美信足以感人心而和平康哉可期天下同慶臣等

謬居重任幸屬休明慙竊股肱喜深骨髓歡抃悚躍倍
萬常情無任鼓舞慶幸之至

賀上尊號後大赦表

臣某言伏奉某月日制書大赦天下跪捧宣命蹈舞歡
呼自天降休率土同慶臣某誠歡誠抃頓首頓首臣聞
玄功盛德非鴻名不能形容物厲人疵非皇澤不能蕩
滌自非上聖莫能兼之伏惟元和聖文神武法天應道
皇帝陛下纂承大業子育群生信及豚魚威殲枭獍削

平寰海混一車書億兆一心願崇大號從人欲而俯膺
盛禮暢時和而廣洽鴻恩蠲減賦租振拔淹滯命黜陟
以別臧否開諫諍而策賢良宿弊必除舊章咸舉帝王
能事盡集於今凡在生靈孰不幸甚臣謬當委擢職奉
詔條抃躍之誠倍萬恒品限以官守不獲稱慶闕庭無
任鼓舞慶幸之至

賀赦表

崔 融

臣某言臣伏奉

闕

元年十月十日墨制以二月為正

大赦天下服周之冕衣冠混於無外行夏之時正朔覃
於有截伏惟皇帝陛下天地合德厯數在躬交日月於
龍蹕會風雲於鳳紀取新之化首出於九皇除舊之恩
曲成於庶類加以載懷孝享肅事天田休聲動於萬國
盛禮懸於百代凡在形氣孰不昭蘇微臣慶偶時來榮
沾日用同草樹而知樂類鳥獸而增歡跡雖限於一隅
心每馳於雙闕抃舞昌運倍百恒情不任屏營之至謹
附賀正使某官奉表稱賀以聞

賀赦表

此下六表英華以為李邕作按邕天寶初卒而六表在代宗德宗憲宗時故英華五百五十九卷有重出一表題云李吉甫又唐類亦然今從之

李吉甫

臣某言伏奉某月日制大赦天下至德純茂鴻私溥洽中謝臣聞聖人紹統必建元良王者郊天是崇嚴配伏惟寶應元聖文武皇帝陛下嗣守鴻業光膺駿命奉先思孝誠已達於幽明立嫡以長義仍深於燕翼皇猷允塞墜禮咸甄俯弘作解之恩式布惟新之令若乃滌瑕

蕩穢雷雨之施也茂時育物天地之仁也薄征弛力政
理之源也錄功念舊敦勸之方也加以躬儉節用捐珠
棄玉執喪者俾從達禮繫獄者咸釋明刑啓進善之門
開一作廣直言之路德殷虞夏義掩羲軒凡在宥刑孰不
欣悅

同前

類表作貞元二十一年賀大
赦表後篇作賀貞元大赦表

臣某言伏奉二月二十四日制書大赦天下德洋恩溥
遠洽邇安億兆欣欣固不幸甚臣某誠歡誠喜頓首頓

首伏惟陛下體元聖之姿膺出符之運

類表及後篇作
慕奉昌圖光膺

寶歷統理萬事建中于人躬大禹之菲薄奉

後篇作本

玄元之

慈儉損已以益下約身而愛人捐珠玉而不玩斥綺

類表

作麗而不御事有妨於農業物有害於女工人力所疲

上心攸蕩自此罷黜歸于典常若乃投荒禦魑之倫觸

網嬰羅之類或炎裔淪屈骨肉相從或囹圄幽囚饋餉

不至皆陽和所未煦雨露所罕一作未霑靡不沐浴天波

昭覩白日然後表捐軀之烈所以勸忠廣自棄之仁所

以敦孝虔奉寢廟輶玉輿之資惠緩市估發金錢之積
異類均懷土之志高年加挾纊之恩斟酌泉貨之源變
通患利之弊逋債咸已讜直必容如天之湛恩廣矣稽
古之能事備矣彼鵠衣之徒類表作珉鮀背之叟孰不擊中
衢之壤共樂於堯年詠太階之符同躋於壽域况臣謬
當共理職在撫循欣後篇作惟抃之誠倍萬恒品不任踴忭
後篇作悅之至謹遣常州軍事銜前虞侯王國清奉表陳賀
以聞臣某誠歡誠喜頓首頓首謹言

此篇五百五十九卷重出今已削去

同前

臣某言伏見制書大赦天下以今年正月一日改為元和元年者臣聞行慶布和允光於獻歲履端居始實屬於元正將大有以惠人乃順時而布令法五始之要流恩而降澤統三微之厯觀象而建元正朔所加遐邇忻戴中賀伏惟皇帝陛下大孝嗣業鴻猷啓圖順天地而發生均日月而齊照馴洽飛走煦育生靈既承太宗文

武皇帝之耿光稟保壽天皇之嚴訓百神饗德萬國宅
心敷作解之澤布惟新之典將致和平蠲京畿之逋債
言念水旱薄江淮之征賦開羅網以宥過崇勲秩以賞
勞弘褒酬之典澤被幽明旌忠烈之臣賞延於代闢庠
序以勸學愍耆艾而加禮恩覃有截化洽無垠超溢虞
夏掩映軒頃首出千古遐冠百王億萬斯年永荷天祿
臣謬當任用分鎮藩維不獲奔赴闕庭親覩盛禮

同前

臣某言伏奉某月日恩制大赦天下一人百慶百度惟
新戴天履土罔不欣抃中賀臣聞天地元功施雨露以
育物帝王繼統昇日月以垂曜羣品資始萬方文明伏
惟皇帝陛下嗣守鴻業光膺駿命淳化均於四序大德
合於二儀保寧社稷光宅區宇弘孝慈以御下崇恭儉
以垂休恩覃洽甸事冠今古况乃順時布政乘春導和
敷作解之恩宣在宥之典九族既睦四門廣闢而又洗
滌幽繁雷雨之施也歸還流竄羅網之釋也移叙貶黜

覆載之仁也蠲除逋債政理之源也褒寵勲賢激勸之
方也廢金寶之貢有以彰儉德也搜遺逸之士有以表
至公也元勲宿將賞延子孫庶尹卿士榮周存沒廣直
言之路啓進善之門德超虞夏道掩軒頊必將平一殊
俗發揮大猷億萬斯年永荷天緒臣謬當任用述職藩
維不獲奔赴闕庭臣無任云云

同前

臣某言伏奉今月日赦詔自上下下由衷尊尊參天地

之大名貴聖文之崇號休氣宛秀彌漫雲天煙景昭華
光融草樹臣誠歡誠踊一作躍再舞再蹈者有以副萬國

之歡情增九廟之炳靈矣臣聞孝子事父誠奉其色忠
臣事君將順其美皆疑殊外獎情實內殷超邁盈耳之

言適會因心之義所以然也伏惟陛下道弘一德功蓋

四時辰象曷以煥其文雷霆無以雄其武固以業振今

昔事溢名言雖僉臣子之謀莫究方圓之廣所謂塞元

命起兆人羣岳騰聲長河變色宜其雷振於地慶蟄戶

之出幽日飛於天賀霄極一作漢

之開朗是以神魚載舞

祥鳳載鳴况於人靈况於榮位乎徒張三寸之舌不足

以談聖猷空捐七尺之軀不足以報明主無任大慶欣

抃倍百之至謹遣所部宣德郎某奉表陳賀以聞臣某

誠惶誠恐頓首頓首

同前

臣某言伏奉七月三日冊皇太子詔書大赦天下臣聞元良者宗祀之本枝敎宥者含育之全德伏惟陛下赫

然光大日昇於天巍然崇高岳鎮於地萬齡為度壽物
咸春東海注百川之朝北辰列衆星之拱笑龜鶴之將
老朝龍鳳之未伸但以禮備儲宮德刑廣物挺黃沙之
罪再荷生成洗白玉之瑕俱承渙汗中外一命錫無戰
之勲壽考百年賙不耕之粟莫不抃舞帝極頌歌聖慈
萬歲之聲夷夏一作華夷合聽九成之樂天地同懽臣久沐
鴻恩竟無上答悅豫之至倍百恒情謹因進樂使某陳

賀表以聞

同前

獨孤及

臣某言中使某至宣示赦書大赦天下者臣伏以作解
宥過前王之茂典嚴配享神聖朝之縟禮非大孝無以
肅祗宗廟非洪勲不得告承天下伏惟皇帝陛下誕敷
文德昭烈武功鋪於八埏橫被四海拯兆人之疾苦恢
累聖之洪業伐叛問罪電發王師為人除災為時誅惡
陛下恬神凝累儲道蘊德以義制事以欲從人雷霆之
震也心不怒於兇戾元惡之戮也勲不書於簡策淡泊

功德陰隲萬邦大哉聖王之為君也無得而稱矣項者
賊臣伺梟獍之變翠華巡遊四方愁冤百神震駭誅剪
大憝清復闕庭事不稽於浹旬慶已延於億萬接踵之
禍又起近郊犬羊猖獗相繼夷滅然後舉墜典脩禮文
鍾革繁奇搜揚嘉遁自上古之所不臣前聖之所未賓
梯航而來悅我聲教掃除氛沴日月載貞大安反側上
下交泰而又發德音降明詔歸過罪已降去鴻名含生
動植許遂其性草木知感況在人倫今以履端之初先

陳盛禮豐絜簡易應時順人展敬於郊壇薦誠於清廟
不昭列聖咸秩神祇抑臣聞之仲尼曰明乎郊社之禮
禘嘗之義是陛下德合祖宗道符三五慶于祉福與天
無疆鴻私湛恩溥施萬國洗蕩痕垢咸使維新牢獄空
虛囚拘蕩滌禍祥鬱于川瀆嘉氣塞于乾坤天下臣妾
不勝慶幸

同前

臣某言伏奉今月某日制大赦天下恭承恩詔宣布藩

隅負瑕累者咸荷生成被傷痍者如蒙覆育中賀臣聞
春以首時蓋本於陽德澤以周物取象於鴻私伏惟皇
帝陛下出震繼明體元立極作解施會順時致和問安
禮備於三朝班朔恩加於九有猶念刑不可變死不復
生泣辜興慈納隍軫慮與民更始其命惟新禦魑魅者
復還係桎梏者咸宥丹檄一作激無滯黃沙已空疎漠網
而遠無不賓祝湯羅而下無犯順雖水旱繫於常數每
惻憂勤以征賦本於黎人載加蠲貸應天以實推已以

誠疇庸懋能自家刑國或圖舊以延賞或錫類以崇先
日月遍燭於幽明雨露不私於中外舊章備舉墜典咸
秩崇儒術所以弘教化旌孝義所以厚時風憫耆耋而
廩賜有差廢橫斂而凶荒是禦皆歷代哲王之茂典今
陛下脩一作_德而行之洋洋聖謨曠所聞見雖虞帝之孝
殷后之仁垂拱而人無間然鞬橐而兵不復用方於今
日未足比崇臣幸屬昌期謬領藩服官惟責實未効消
埃之勞賞及無功亦洽一作_沾渙汗之寵拜恩竊抃倍萬

恒情

同前

劉禹錫

臣某言伏奉今月一日制書改太和十年為開成元年
大赦天下者雷雨作解人神悅隨澤及八荒綱開三面
臣某誠歡誠喜頓首頓首伏惟皇帝陛下上承乾綱下
立人極用含弘光大之德集作澤非副華集作夷

獻歲改元惟新景祚光明首罪次及羣妖述睿情以曉

萬方施鴻霈以蘇庶物恤刑集作事宥過已責弛征郡縣

之舊弊悉除賦稅之新規咸備停藩方節獻之禮以惠
疲人廻榷筦餘羨之財以資京邑命使展澄清之志察
言求讜直之材弓旌賚于丘園粟帛頒於耆耋集作父爰
以初告御于明庭德音一發於九天和氣驟同集作於
四海開物成務實表於建元應天順人永延於億載臣
幸居近輔先受殊恩不獲稱慶闢庭陪榮班次衆星列
位常拱北辰之尊集作光新歲拜章遙獻南山之壽無任
抃躍屏營之至

同前

令狐楚

臣某言臣伏奉今月十一一作五日制書玄德融明聲聞

於宗廟鴻名光大充塞於乾坤與物皆春大赦天下臣

當時宣流渥澤騰布耿光恩均而萬物昭蘇慶洽而三

軍鼓舞中賀臣間覆載無私天地所以為大德照臨不

已日月所以為大明六位因時以成功一代一作人觀象

而設教肇自古昔垂為憲章伏惟睿聖文武皇帝陛下

並日而明配天為大冠三皇之道弘十聖之風保合太

和緝熙帝載是以廓清氛霧曾不累旬度

一作處

奉郊禋

未嘗虛歲百蠻梯航以內面萬國歌舞而宅心所謂巍

乎其有成功煥乎其有文章也尚復勞謙仄席勤恤納

隍釋繢繢

一作責

之幽囚無分輕重歸遐遠之放逐不問

存亡棄逋債

一作責

於窮人戒多求於貪吏憫朔邊之介

士厚其寒衣恢武功也褒闕里之胄嗣

一作胤

責以布帛

振文教也推恩而九族既睦行慶而六師用張忠貞必

表於門閭耆耋遍蓋其牢醴百神咸秩一物不遺安人

之所未安理人之所未理天波渙汗綸旨丁寧有以知

天地覆載之仁有以見日月照臨之德天下臣妾不勝

慶幸臣限守藩鎮不獲稱慶闕庭無任忭躍欣賀之至

謹遣某官奉表陳賀以聞一作皆

唐類表

賀赦表

後篇作為鄭尚書賀登極赦表

臣某言伏以類表二月二十四日制書大赦天下者霈

澤自天鴻恩匝

後篇作遍地三軍萬姓不勝慶躍

後篇作忭日聞

天地至大或有所不容日月至明猶後篇作或有所不照伏

惟皇帝陛下體元繼統垂象立極齊軒昊之玄化冠唐
虞之至仁敷大號於天中揭明謨於日下臣以為覆載

之德大於天地矣照臨之光明於日月矣何則用刀鋸
而伏斧鎬者無重無輕陛下捨之投豺虎而禦魑魅者

無遠無近

後篇作通

陛下移

後篇作還

之免逋宿履

後篇作逃

之畊

租罷雕華任土之貢出後宮之伎樂還外國之俘囚褒

崇先首於二王敦叙旁周

類表作流

於九族明徵義烈各錄

其裔胄

後篇作胄肩

悉數忠勞遍增其爵級宣股肱之力者

賞延於上

後篇作近

効爪牙之任者賜出於中搜淪滯之才

遷久次之秩聘士既尊於經術問年必本於期貢在幽

隱

一作陟降

而不遺雖細微而皆

後篇作之必

及歡聲雷動喜氣

雲騰百姓知聖人之仁萬物覩聖人之作普天率土無

不慶幸臣叨居藩服累沐

後篇作荷

恩榮抃舞欣歡倍百恒

品所守有限不獲稱慶閑庭臣及

後篇作與

將士官吏百姓

等無任踴躍屏營之至

此篇五百五十九卷重出今已削去



文苑英華卷五百五十八

欽定四庫全書

文苑英華卷五百五十九

宋 李昉等 編

賀赦二

為建安王賀赦表一首

為益州刺史賀赦表一首

賀廣德二年大赦表一首

賀永泰改元大赦表一首

為譙郡唐太守賀赦表一首

代路冀公賀改元赦表一首

賀平賊赦表一首 賀南郊大赦表一首

賀貞元大赦表一首

代章中丞賀元和大赦表一首

代杜司徒賀大赦表一首

禮部賀冊皇太子禮畢赦表一首

賀冊太子赦表一首 為監軍賀赦表一首

為鄭尚書賀登極赦表

中書門下賀赦表一首 賀德音表二首

為建安王

武攸宜為
同州刺史

賀赦表

武后

富嘉謨

臣某言今月七日奉十月二十三日制書大赦天下日

者關輔之地鑾輅曠遊山川望幸積有年歲是以西土

耆老東首累祈濬城隍修宮室考舊邦之式稱長安之

盛福應旋

一作還

至嘉穀屢昇故奉時無違乘輿乃降六

龍大動群方咸悅蓋三光增曜而漢祚隆萬戶加嚴而

高居壯紫宸端拱朝諸侯而垂綱鴻霈

一作寢

流恩申三

宥而作典、浹洽遐邇、孰不抃躍臣寄重軍州、地連肺腑、
載覃天恩、不勝悅豫、豫無任踴躍之至、謹奉表陳賀以聞、
謹言

為益州刺史賀赦表

中宗

閻丘均

臣某言臣伏奉二月二十二日制書大赦天下恭惟大
賚踴躍無地臣聞德至於天禎符幽感業齊於聖神物
昭光伏惟應天皇帝陛下纂復睿謨祗定天保英茂開
聰聖之體文章煥皇王之列一作烈道疑作天祿錫膺卜食

廷休順天翊聖皇后垂耀軒轅命兆沙麓明章教訓以

致其功陰祇助宣於陽靈坤德承順於乾道是故貺流

椒掖慶發瑤筵祥裔五靈

一作祥商五雲

絳丹黃而振色緯渝

六眼合黼藻而融文皇歡載紆滂澤時降洗滌逋穢洽

潤資生

閏宥

死之憊榮加命婦之爵凡在區宇孰不

載欣臣忝貳方岳化理蔑聞參一物而霑恩齒同列以
稱慶無任下情蹈舞之至云云

賀廣德二年大赦表

代宗

元結

臣某言臣伏奉某月日赦某月日宣示百姓訖伏惟皇帝陛下以慈惠馭兆庶以謙讓化天下凡所赦宥皆允人望凡所敦勸皆合大經生識之類不勝大幸臣方領陛下降州縣守陛下符節不得稱慶下位蹈舞闕庭不任歡懲之至謹遣某官奉表陳賀以聞

賀永泰改元大赦表

代宗

臣某言某月日恩赦到州宣示百姓訖百姓貧弱者多勞苦日久忽蒙惠澤更相喜賀歡呼抃躍不自禁止伏

惟皇帝陛下增修典禮弘正紀度勞謙慈惠與人更新
此實興王之盛烈明聖之至德戴履天地誰不慶幸臣
方鎮守州縣不得蹈舞闕庭無任歡欣之極集作至謹奉
表陳賀以聞

為譙郡唐太守賀赦表

獨孤及

臣某言伏奉二月五日制書大赦天下喜氣動天榮光
被物鬼集作百神踴躍衆庶悅豫臣某誠歡誠喜頓首頓
首臣聞天類表作大道所寶莫先於慈聖人之德無以加孝

陛下執大象以御物不得已而用兵假一戎之威為萬物戡難再造區宇以康黎元慈之至也纂服配天不失舊物然後增鴻名以嚴父正榮號以恭已元元本本尊尊親親孝之大也猶慮物有不遂其性政有不阜於俗弘肆眚之恩與天下更始涤瑕蕩穢燃幽及微風行物表鏡照海內雷作而萬戶蟄振網開而三面鳥飛陽春無私品物何幸臣位忝邦守預沐渥類表作湛恩無任抃躍之至謹奉表陳賀以聞

代路冀公賀改元赦表

王綽

總目
作綽

臣某言伏奉某月日制書大赦天下改元罪無輕重一
皆蕩滌率土生靈孰不歡抃臣聞生植長育天地之大
德在宥布和后王之盛典伏惟皇帝陛下以道御時與
天合運當文武之際恢中興之功轉黃道而三象昭明
鼓洪鑪而二儀貞觀方告成於郊廟且降祉於神人而
猶旁詢時議中守謙德爰輟盛禮載布湛恩正元氣以
紀年惠一作恩人心而垂化緩死申柔服之義念功宥脅

從一作制之徒然後用唐虞官人之訓追周漢考績之法

節用所以厚下懋賞所以勸勞誠明動天地利澤施四
海大易云神武不殺太上稱仁方之聖猷實有慙德臣
謬專方鎮獲奉明詔疲劣何幸沐浴皇風欣抃之至倍
萬恒情云云

賀平賊赦表

戴叔倫

臣某言伏奉某月日制書大赦天下雪滌痕累發生枯
朽榮光被於草木和氣貫於華夷含生之徒罔不胥悅

臣聞氣沴為祆蒙蔽二曜而祥風掃蕩無損日月之光
狂逆亂常震驚四海而玄功戡定不虧天地之大伏惟
皇帝陛下文武繼聖聰明在躬協堯舜之心崇禹湯之
德清廟禮展圓丘敬申猶顧已以求瑕布恩澤以滌一作
原過康哉沛乎虞夏之盛典也臣忝職藩條實慙戶曠
徒積歲星蔑聞化理望九重而稱慶齒百辟以霑恩瞻
戀闕庭慶快之至

賀南郊大赦表

德宗

呂頌

臣某言伏奉去年月日制書禮展郊禋告成上帝

一作展功

成禮郊丘上帝恩霑動植道洽幽明東風變而四海春聖帝

一作

人作而萬物覩懷生庶類因不歡抃中賀伏惟皇帝陞

下體元立極撫運受圖御一氣以乘乾飛六龍而出震

德合天地明齊日月叶三光之幽贊承八聖之睿謀頃

者國步未康王室多難兵纏禍結害及生人塵飛寢園

燧燭郊甸陛下乘時順動鑾駕南巡凡在食土之毛圓

首之類豈一作莫不號天向闕望氣瞻星遂得猛士雷奔

義旗雲合西戎自効北狄爭驅一舉而氣侵掃清贊勞
而寰宇大定則知千年降聖天命有歸六合奉尊神器
斯在今農郊罷戰追徼無虞九有一作偃戈八萬方

同軌荷皇慈之覆育知聖祚之靈長匪人革心罔不咸

率陛下勤禹湯之罪已法堯舜以為心肅恭神明虔奉
宗廟損抑徽號憂濟黎元始自迎長之初大申報本之

禮冊勲旌舊列爵分官宥死緩刑掩骼埋胔粟帛周於

耆老一作耋莫醉及於幽冤天覆海渟與人更始釋羸俘

於死地俾異域而生還赦枯木之嚴刑蠲執弓一作爻之

常賦臣及三軍百姓蠻夷酋長等伏讀制書沐浴玄澤
莫不喧呼抃躍蹈舞徘徊絕徼窮荒盡沐生成之造羈
飛蠢動俱承雨露之恩臣限以藩守不獲稱慶闕庭無
任踴躍慶抃之至一作皆

唐類表

賀貞元大赦表

已見五百五十八卷

李吉甫

代韋中丞賀元和大赦表

憲宗

柳宗元

臣某言伏奉正月二日制書大赦天下永貞二年宜改

為元和元年者太陽既升煦育資始霈澤斯降膏潤無
遺臣某誠慶誠賀頓首頓首伏惟皇帝陛下仁化旁流
孝理弘闡紀元示布和之令肆皆見恤人之心曠然滌
瑕得以遷善渙發大號申明舊章農有薄征市無強賈
集作價
勲勤是錄爵秩以集作已班寵寧間於幽明澤必周
於夷夏近甸輕榷酤之入遠人忘水旱之災既行慶於
官類表
作官察亦推恩於天屬諸生喜鑿塾之廣庶老加絮
帛之優量入所以備凶興庶期於變俗爰褒有客尊賢

之典惟新載奉素王宗予之道斯在綸言一降庶政畢行懷生之倫感悅無量臣某守在遐遠親奉詔條踴

集作
集作

躍之誠倍百恒品無任感恩抃舞屏營之至謹奉表

陳賀以聞

代杜司徒賀大赦表

憲宗

呂溫

臣某言伏奉

集作見

今月二日制書改元元和大赦天下

新雲雷

集作雷雨

之澤重日月之光仁被幽遐慶覃動植三

元經始萬化惟新臣某誠歡誠忭頓首頓首臣聞羲軒

馭宇類表
作物堯舜為君德莫盛於好生政莫弘於在宥然

而事資體要理極精微百王所難千載斯遇伏惟皇帝

陛下纂臨大寶光啓睿圖當獻歲之元順陽和集作春之

氣朝前殿御正門發德音布慈旨明大孝之本褒至忠

之後省役輕集作
徭損稅以清疾苦之源蕩累滌瑕以厚慮

耻之俗往典之所未舉前代之所未該莫不悉出宸衷

咸歸聖政坐聞仁壽之域行集作
佇

見雍熙之朝集作
期凡

在生靈孰不慶幸况臣陳力滋集作
歲久受恩最深而蒲

柳餘年夫馬多疾不獲捧觴丹陛蹈詠康衢猶蒙天眷
留娛聖慈曲至特降中使俯加慰勉哀憊增氣枯朽生
光施重丘山感深骨髓闔門灰粉豈足上報無任喜抃
集作屏營之至

禮部賀冊皇太子禮畢赦集作德音表

柳宗元

臣某等言伏奉今日制書皇太子冊禮云畢恩與萬方
同其惠澤者盛典斯舉鴻恩遂行凡在率土不勝抃躍

臣某等誠喜誠賀頓首頓首伏惟陛下克奉神休以正
邦統建天下之本宗廟以安致萬國之貞兆人休賴典
冊既備慶澤載流既廣愛而推恩亦好生而布德緩刑
而固知感進熟而嗣續增榮崇教諭之方忠良是舉
嚴贊相集作
復之禮賜與有加旌孝悌以厚於人倫敬鬼
神而修其祀事况行禮之日則屏翳收蹟太陽宣精用
彰出震之休更表重離之耀神化旁暢皇風遠揚自華
及夷異俗同慶臣某等謬參著定倍百恒情無任歡慶

踴躍之至

賀冊太子赦表

令狐楚

臣某言伏奉今月九日制書皇太子冊禮云畢恩與萬方同其惠澤者國慶遐宣天波曲被懷生之類咸共欣榮中賀臣聞德教所加一人有慶元良既立萬國以貞伏惟皇帝陛下至化旁流神功廣運以為義莫重於主鬯禮無大於承祧考古揚前星之光順人類表作時弘少海之澤誕敷明詔宣告庶萬英華作萬國非雷初動於地中風已

行於天下

類表作正

由是哀矜罪戾甄獎功勲

類表作勳

表順

勤勤

表順

孫孝子之門秩名山大川之祝仁無不覆惠無不均草木惟絲鳥獸咸若率土臣子不勝慶抃臣限守藩鎮不獲陪位闕庭踴躍稱慶無任屏營之至

為監軍賀赦表

臣某言今月四日節度使伏奉制書大赦天下者渙汗大號滂沱鴻恩降自九天被於四海懷生之類無不慶躍中賀臣聞天地之大德本於生成聖人之全功在乎

化育伏惟皇帝陛下至明立極大聖統天法貞觀之宏
規纂建中之盛業降哀矜於罪戾一物不遺頒寵贈於
忠勤萬方皆及事遵儉約道在寬弘散作仁風灑為膏
澤率土臣下不勝歡喜臣限以監守未獲奔走稱慶闕
庭不勝戀結欣戴之至謹遣某官某奉表陳賀以聞

為鄭尚書賀登極赦表

憲宗

已見五百五十八卷

中書門下賀赦表

憲宗

令狐楚

英華作獨孤及非

臣某言伏見今日制書御丹鳳門大赦天下者明照六

幽澤流九有臣等誠歡誠喜頓首頓首臣聞覆憲生成
乾坤之盛德疆理化育帝王之極功伏惟睿聖文武皇
帝陛下受天元符纂聖光宅躬夏禹之勤儉體帝堯之
聰明除惡必絕其根耀武威而四凶既殛制政皆循一作
脩其本振文教而百度惟貞今者東風發春元日獻歲
凝旒視朝於正殿步輦臨御于應門開龐鴻之湛恩孚
渙汗之大號萬物瞻覩兆人允懷至若移其放逐解網
生一作之仁也弔彼傷殘納隍之義也罷開市之征稅足

以弘聖人厚下之風褒卿士之祖先足以廣聖人追遠
之孝潛蟄一振槁根一作根真盡榮普天率土不勝慶幸臣
某等謬司樞務虔奉德音喜抃之誠倍百恒品無任慶
躍屏營之至

賀德音表

憲宗

臣某等言伏見今月二十八日制書普類表
作惠安羣生憂濟庶士母念下農艱苦賑紅粟而流行知貪賈滯財禁
青蚨之飛走千官聳聽萬國欽聞中賀臣聞損有餘補

不足太上

類表作
大帝

之教也斂以輕散其重哲王之制也

肇自古昔垂為憲章其或法因情遷事與時異則物力

甚屈人心用告是故書載行之惟艱史稱守而勿失伏

惟睿聖文武皇帝陛下紹興不圖光啓鴻業勤恤人隱

精知化源以為麥禾雖登農食猶歉布帛大賤女工必

傷因發生之時下慈惠之詔清問疾苦昭宣令宜嚴除

暴征令已逋責首自京國達于淮湖三方雖遙如視以

宸鑒萬機類表
作務誠衆皆經於睿心自然事耕桑者忘四

體之勤游市井者樂一朝之便慶共雲布恩隨風翔率
土之內不勝慶類表作欣幸臣等叨逢聖運預類表作皆列班榮
攀日月之光無能獻替遇雲雷之澤空荷霑濡捧戴德
音不任抃躍屏營之至

賀德音表

文宗

劉禹錫

臣某言伏見今月十六日德音布告遐邇天道下濟人
情大安中賀伏惟皇帝陛下凝旒思理垂衣擇材以日
月無私之光照寰區有截之內貴使下情盡達寧虞厚

貌潛謀一昨李訓鄭注等敢有逆心兼連兇黨陛下睿
謀神斷左右協同集作心頃刻之間掃除已定重臣畢力

禁旅竭忠氣祲廓清華夷咸悅言念政刑之外或有詿

誤之徒再發德音廣宣聖澤當星紀迴天之日迎陽和

煦物之光懷危疑者如山之安欲告訐集作訴非者望風知

懼非同謀者一切不問未結正者三宥從寬含生之倫

普天同感臣恪居官次不獲稱賀闕庭臣無任

此卷英華所編失年代先後之次序今正之



文苑英華卷五百五十九